

444

J

83

3
ASSERTIONES JURIDICÆ,
INAUGURALES,

DE
JURE FISCO.

Q V A S,
Favente Deo Opt. Max.

Ex autoritate Magnifici D. Rectoris,
D. ABRAHAMI HEIDANI, S. S. Th. Doct.
ejusdemque Facultatis in Illustri Acad. Lugd. Batav.
Professoris ordinarii, Ecclesiæque Dei Pastoris
disertissimi,

NEC NON
Consensu Amplissimi Senatus Academici, & Consultissima facultatis
Juridicæ Decreto,

Pro summis in Utroque Jure honoribus, & privilegiis
Doctoralibus consequendis,

Publicè sine Præside defendet

PHILIPPVS LAV, Tilsâ Prussus.

Ad diem ~~Decembris~~, loco horisque solitis, antemerid.



LVGDVNI BATAVORVM,
Apud JOHANNEM & DANIELEM ELZEVIER,
Academ. Typograph.

clō lōc LV.





*Ura & privilegia fiscalia ab Advocatis fisci, eorum-
que officialibus & mandatariis solertiſſimè quidem
defendenda, neutiquam tamen tam latè extenden-
da fisci utilitas, ut ab iis aliquid contra regulas ju-
ris & conscientiam admittatur; favor ejus magnus & im-
mensus est, attamen, non ipsi plus favendum, quam principes
boni ipsi favere voluerunt, ita moderatè se gerentes ut existi-
maverint sæpius rectius esse vinci fiscum, quam privatum, si-
cuti hujus nomine maxime laudantur M. Anton. à Capitolino,
& Trajanus à Plinio, quæ præcipua, inquit, tua gloria est,
sæpius vincitur fiscus, cujus mala causa nunquam est ni-
si sub bono Principe. Idem de aliis Principibus testantur
nunquam satis laudandæ leges l. unic. C. pæn. fis. cred.
præf. l. non possunt. ii. l. 12. l. 22. D. de l. Fis. Nam ut olim
sub aliis principibus grande piaculum habebatur fisco non
favere, ita ejus compendium apud pios principes semper con-
temnitur, nimiaque ejus accessio pro dispendiosâ enormitate,
& enormi dispendio habita fuit, quod egregiè notavit Iustinus
minor apud Corippum l. 2. n. 7. de fisci laudibus in hunc mo-
dum canens.*

Quæ sua sunt capiat, quæ sunt privata relinquat,

Nec patimur quenquam sacratum lædere fiscum,

Nec lædi quenquam sinimus sub nomine fisci.

*Idemque Alciat. Embl. 146. eleganter expressit exemplo lie-
nis, cujus crescentia inducit aliorum artuum tabem: Et, qua-
lis quæso amor sub ditorum erit erga eos principes; in quorum
judicialibus auditoriis non alia nomina audiuntur, quam
fiscalis, confiscatio &c. Principe avaro non è durevole, in-
quit Roccabella, sudditi oppressi mancano d'obedire, e
tentano la rovina, dichigli machina la morte. De hoc
jure, non obstante, quod periculosares sit tractare principum
negotia, quedam rapsodica, non rationabili sed fortuitâ me-
thodo proponam, idque brevitate, more regionis, quâ fieri po-
terit.*

A 2

I. Cum

I.

CUM fiscus semper censeatur esse solvendo & dives
l. 2. D. de fund. dot. hinc factum est, quod Accurs. &
 Bart. fiscum dici putaverint quasi fixum vel firmum, vel
 stabilem, cui sententiæ calculum suum adjicit Peregri-
 nus *de Iur. fisc. lib. 1. tit. 1. n. 33.* Alfaro *de off. fisc. glos. 9 n. 14.*
 Non errant, sed fortassis rectius sentiunt, quibus fiscus à
 ferendo dicitur, sicut fiscina & fiscella, teste Varron. *l. 4.*
de ling. latin. Fiscus genus quoddam cistæ aut cophini
 viminei erat, quo deferiebantur aut recipiebantur pecu-
 niæ, vel in quibus agricolæ sua utensilia portabant. Co-
 lum. *l. 12. de rer. rust. c. 48.* Cicer. 2. *in Verr. reperiēbam fiscos*
quam plures, cum pecunia Siciliensi à quodam Senatore ad
Equitem Romanum esse translatos, ex his quasi decem fiscos
ad Senatorem illum relictos esse comitiorum nomine. Petr.
 Gregor. *lib. 3. syntag. c. 2. n. 6. & 11. & l. 31. C. 31. n. 1.* Bobad.
lib. 5. polit. c. 6. n. 1. Hoc vasorum genere pecuniæ publicæ
 solitæ sunt deferri; & hoc ideo, quia excrescentibus pec-
 uniis marsupia non sufficiebant; Beroald. *in Suet. Aug. c.*
15. Dorleans *ad Tac. lib. 1. annal. p. 114.* Simile quid vel
 idem sunt sportulæ, nummorum vel aliarum rerum re-
 ceptacula, & per metonymiam subjecti accipiuntur pro
 ipsâ pecuniâ, quæ fisco vel sportulâ continetur. Ascon.
in Verrin. 2. scribit sportulas esse minores fiscis, quæ Hi-
 spanis dicuntur *esportillas de cienreales*, à numero quem
 continent.

II.

Fiscus & ærarium quondam differebant, quia fiscus
 erat principis, ærarium vero populi Romani. Valenzuel
ad tit. de Iur. fis. n. 21. Ærarium dictum ab ære, quod col-
 locabatur in æde Saturni, Alex. ab Alex. *genial. dier. 2.*
cap. 2. Beroald. *in Sueton. Aug. c. 29.* Demst. *ad Rosin. l. 7.*
antig. c. 31. ex quo etiam pecuniæ in eo reconditæ dice-
 bantur sacre, quia moriserat, & privatorum res, eorum-
 que

que pecunias in templis custodire. *Lips. ad Tac. lib. 1. Annal.* & *Dorleans ibid.* quibus custodiendis adhibebantur servi. *l. 17. D. de alim. leg.* Cum autem summa rerum in principem transferretur, Augustus statuit, ut utrumque conjungeretur. *Sueton. in Aug. cap. 47.* & ex eo promiscuè dici cœperunt, *Salmas. ad Lampr. in Diadum. p. 175. n. 19.* Hodie quasi abrogato nomine ærarii, fisci nomen remansit, qui apud Hispanos etiam Camera dicitur, in quam rediguntur omnes redditus & Gabellæ, quæ in compendium veniunt reipublicæ. *Tholoz. lib. 31. c. 31. n. 3.*

III.

Qui fisco præsumt, dicuntur fiscales, quod officium inventum est Hadriani Imperatoris, uti hoc apparet ex *Spartiano in eo pag. 10.* officium sane gravissimum. Ab initio res fisci tractarunt procuratores Cæsaris, & eligebantur fisci patroni ex collegio Advocatorum, *l. 8. & 10. C. de Adv. diver. judicior.* cumque ad hoc munus assumerentur viri, qui & literis & meritis pollebant, quocirca & variis titulis condecorabantur & prærogativis, quæ non nisi magnis dignitatibus concedi solebant, inter quas non minima hæc est, quod Kalend. Jan. strenas à manu principis accipiebant, ad quem honorem tantum admittebantur Sacri Consistorii Comites, imo poterat patronus fisci duos homines singulis annis Imperatori offerre, qui ejus essent domestici & præsentiales, & principis purpuram adorarent. *l. 1. C. de domest.* Cui muneri etiam præfuit maximus *JC^{us} Papinianus.* *Spartian. in Caracall.* Hodie non ubique eadem ipsorum est autoritas. In Hispania, ubi duo sunt, alter in causis civilibus, alter in criminalibus, perpetua est ea dignitas, eoque jure fiscalis est formalis pars in defendendâ autoritate & juribus regis majestatis & *JC^{ionis},* non solum in supremo senatu, sed etiam in aliis Audientiis. Quis ergo dubita-

bit an advocatura fisci sit dignitas? nonne à Principe cùm consultatione procerum ad hoc munus promovetur? nonne promoti hoc modo osculantur ejus manum? nonne sedem æqualem habent cum ipsis consiliariis? Videantur Briffon. *lib 3. antiq. cap. 21.* Garcia. *de nobilit. glos. 3. n. 17.*

IV.

Jura fisci varia ac diversimoda sunt, quædam, juris proprii quadantenus sicut singulorum, ut agri, pascua, nemora, vivaria, sylvæ, aliique rerum quasi propriarum proventus, sub nomine domaniorum, vulgò **de domainen** nota, item gabellæ, vectigalia, tributa, portoria, oblationes, donativa, bona vacantia, confiscationes, mulctæ, quorum quædam extra ordinem exiguntur, quædam ex delictis proveniunt, & propria jura fisci dicuntur, nihil autem refert, an ipsum principem, an obventiones fiscales nomine fisci intelligamus. Et quamvis hodie nonnulla fisci compendia quasi minoris momenti aulicis hereditatis nonnullibi indies tribui soleant, veterum tamen principum frugalior administratio, bona fisco debita, peti prohibuit, & nisi princeps motu proprio largiretur, Scriptura à secretariis non conficiebatur *l. 1. & ult. C. de pet. bon. subl.* unde & Paponius *de arrest. Gallie* dicit, regem triplicium rerum petitoribus os obturasse, confiscationum, albinatum, & obventionum, *referente* Christinæo.

V.

Bona se occidentis fiscus capit, & quidem si tædio vitæ, vel dolore, vel morbo, vel ob aliam causam sibi violentas manus intulerit, tunc hæredem habere potest *l. 6. §. ejus qui. l. 7. D. de inj. rupt. irr.* Si vero conscientiam criminis ex metu pænæ se occidit, in fiscum bona transferuntur, *l. fin. in pr. D. de bon. eor. qui ant. sent.* Si modo crimen.

crimen sit publicum, & memoriam Autocheiri damnet; nemo enim membra sua perdere aut prodigere potest nisi pro republicâ, ita ut olim non licuerit membrum præbere amputandum, nisi causâ à magistratu cognitâ, & auditis consanguineis, quod prudentiores chirurgi etiamnum exigunt; Moribus multarum cordatarum gentium indistinctè, quomodocunque se occidat, amissio bonorum inducitur, nam desperatio est odiosissimum peccatum, quod aufert Deo pulcherrimum, nimirum misericordiam, & ob id jure Canonico talibus denegatur sepultura Ecclesiastica, nolo tamen in ejusmodi deplorandis casibus me temerè ingerere Dei occultis decretis, ejusque abscondito *judicio*. Videatur Grotius de *I. B. & P.*

V.

Quamvis fiscus inter creditores habeat jus prælationis, *tot. tit. C. de priv. fisc. l. aufertur. 46. §. fiscus. D. de jur. fisc. & semper reperiatur privilegiatus arg. l. 1. §. in causa. de question.* Si tamen quis à judice condemnatus fuerit, ut certam pœnam fisco pendat, quam is postea vindicare intendit, si condemnatus habuerit creditores, prælationem non habebit. *l. 11. 17. 22. 37. 42. D. de Jur. fisc. Peregr. l. 4. tit. 8. n. 12. Sixtin. de regal. l. 2. c. 8. n. 85. Alfar. de off. fiscal. gl. 16. n. 117.* Quia fiscus agit de lucro captando, creditores de damno vitando, quorum non par vel eadem est ratio, idcirco etiam judex non committit delictum, si in dubiis causis facile contra fiscum judicaverit. *l. non puto. 10. D. h. tit. nec ego metuo censuram, si dixerò fiscum in omnibus causis hypothecam non habere. Videantur Donell. de pign. c. 5. Sanchez. de matrim. lib. 1. disp. 4. n. 9. per l. rescriptum 10. D. de pact. quia publicatio bonorum ita accipienda est, ut æ alienum deducatur, l. mulier. 72. D. de jur. dot. non ergo idem jus habet in pœnalibus, quod in debito principali. Et hoc videtur.*

tur esse praxis ferè orbis totius Europæi, quamvis jure Hispanico mutatum putet Alfar. cui tamen alii JC^{ti} Hispani contradicunt.

VII.

Insignis est difficultas an fiscus præferatur filiis condemnatorum in pœnis parentibus inflictis? Quod negandum puto per *l. 7. in pr. D. de bon. damnat.* ne alieno admisso aliquis pœnâ afficiatur, quod fieret si filii defraudarentur debitis suis bonis, quorum quasi domini sunt, *l. nam etsi parentibus. D. de in off. test.* imo filius creditor censetur in bonis paternis *l. unic. in pr. de imp. lucr. descript.* Chifflet. *de port. legit.* Et hoc verissimum est de jure regio Hispanico, quo constitutum, legitimam filiorum minime confiscari, ex parentum delictis, nisi expressâ lege confiscatio inducatur in expressis delictis. Dubium autem esse potest, quæ delicta inducant confiscationem contra filios? De crimine hæreseos, proditionis, perduellionis & læsæ majestatis indubitatum est jus in *l. quisquis § Filii. C. ad l. Iul. maj. Filii*, inquit lex, eorum, quibus vitam imperatoria specialiter lenitate concedimus, (paterno enim deberent perire supplicio, in quibus paterni criminis exempla metuuntur) à materna vel à vita omnium etiam proximorum hereditate ac successione habeantur alieni, ex testamentis extraneorum nihil capiant, sint perpetuo egentes & pauperes, infamia eos paterna semper comitetur, ad nullos unquam honores, ad nulla prorsus sacramenta perveniant; sint postremo tales, ut his perpetua egestate sordescantibus, sit & mors solatium & vita supplicium; dispositio notabilis, quâ tamen Joan. Igneus in *l. fin. n. 44. D. de SC. Sill.* & alii relati à Farinacio. 4. part. crimin. q. 116. n. 143. odiosam, sanguinariam, injuriosam, iniquam, & contra naturalem æquitatem juris divini & humani, compositam esse censent. An idem obtineat in crimine Sodomix,

miæ, scrupulo non caret; est quidem crimen turpissimum & nefandum, imo ex dispositione Hispanica cum enarratis criminibus parificatum, contrarium tamen æquius est. Nec ubique idem modus confiscandi servatur, alicubi bona tantum mobilia, alicubi & immobilia confiscantur. In Gallia, Burgundia, & quibusdam Belgii locis hæc paræmia practicatur, *Qui confisque le corps, confisque les biens*, non ubique tamen hæc in usu est, nisi in supradictis atrocioribus criminibus. Bona illius, qui committit crimen læsæ majestatis, diximus confiscari, an etiam illa bona, quæ reus extra territorium læsi possidet, confiscationi subsint, disputatum fuit in Galliâ, cum Rex Ludovicus XIII. Marchionem Ancreum, primum regni ministrum occidere jussit, qui ingentes opes apud Venetos, Genuenses & alibi habebat.

VIII.

Hæredes ex crimine defuncti non tenentur, nisi vivo delinquente condemnatio intercefferit, quoniam crimina morte extinguuntur, idcirco omnes pænæ cessant. *l. 3. l. 6. D. de publ. judic. l. 1. D. de priv. delict.* Medices in tract. *Mors omnia solvit. part. 2. conclus. 32.* Quia, qui moriuntur, videntur quasi ad superius tribunal adduci, & sic ad judicium divinum adducti, debuerunt judicio humano subtrahi, cum inter mortuos & vivos nullum sit commercium, & ab animabus à corporibus separatis omnino aliena sit conversatio, Del Rio *disquisit. magicar. lib. 2. quæst. 26. sect. 1.*

IX.

Fiscus succedit in bona vacantia, quæ omni domino, omni jure vacua sunt, & ab omni spe aditionis aliena. *l. 2. § fin. D. ad Sc^{um} Tertull. Anton. Fab. l. 17. conj. cap. 2. Cabedo 2. part. decis. 50. Borell. de præstant. Regis. cap. 14. tot.* Quia Principum persona debet post omnes esse, Casiod. *lib. 6. Epist. 8. ne fisci sui videantur habere rationem;*

Hoc

Hoc autem difficultate non caret, quando fiscus succedit in bona vacantia an succedat jure hæredis, an jure superioritatis? posterius affirmo, in tantum, ut nec inventarium bonorum vacantium teneatur conficere, quia non conveniri potest tanquam hæres, sed tanquam possessor, & obligatio non descendit ex persona, sed ex bonis. Fiscus ergo est post omnes, post maritum in bonis uxoris, post uxorem in bonis mariti, non tamen post affines, quoniam jure affinitatis successio non est, *l. affinitatis. 7. C. commun. de succ.* nec post pupillorum tutores, *l. 1. C. unde vir & uxor.* nec post civitates. *l. 1. C. de bon. vac.* Et ita occupat bona vacantia, ut nullum jus privatis eorum vindicandorum competat. in quo doctissimus Bodin. *l. 1. c. 18. de republ.* lapsus est insigniter, asserens jure Romano unicuique licuisse occupare bona vacantia. Sunt & alia bona, quæ domino carent, & oberrant sine scientiâ vel voluntate dominorum, quæ Hispanicè dicuntur *Moſtrencos*. Vid. Covarr. *in c. peccatum 3. p. §. 1. n. 3.* De facto Philippi III. Regis Hispaniarum, qui coëgit anno 1610. omnes descendentes ex genere Maurorum in Africam, & confines provincias demigrare, prædiis eorum fisco applicatis, aliis judicandum relinquo: pro felici ista expulsio celebrata est. Jaime Bleda *de los Moros de Espana* l. 8. Marquez *de l governador. l. 1. c. 2. ad fin.* Nullus tamen dubito, quin propter innatum amorem patriæ migrantes exclamaverint.

O Lycida

Quod nunquam veriti sumus, ut possessor agelli

Diceret, hæc mea sunt, veteres migrate Coloni.

Rationes fiscales qui examinant, discussores nominantur, dicuntur & taxatores, quia taxant patrimonia provincialium, quorum usus adhuc in Hispania viget, ad facultates vicinorum æstimandas, ut solvatur tributum, quod

quod vocatur *servicio Real*, & quoniam missi in provin-
cias, graviter vexabant pauperiores, leges, ut eorum ra-
pacitati & avaritiæ obviam iretur, provincialibus variè
prospexerunt. Si enim apocha, quæ & securitas dicitur,
nobis quietantia amissa esset, nec offerretur ad revisio-
nem, quam sæpe petere solebant, sufficiebat liber ratio-
num publicarum, dictus *Polyptychus*, quem tenebantur
exhibere ad fundandam exceptionem reorum. *l. non est
novum. l. fin. C. de Edend. l. 4. C. de fid. Instrum.* nec hoc sine
ratione, quia cum fiscus solutionem jam accepit, & ex
libro suo certus sit, eam factam esse, iniquum foret, bis
exigere, quod jam solutum est. Satis igitur est allegare
apocham esse deperditam, jurejurando interposito. *arg.
l. 30. D. de jurejur.* X.

In executione causarum fiscalium frequenter solet in-
solentia exerceri à Cæsarianis, quocirca forma certa ip-
sis danda, sine cujus demonstratione ipsis de facto resisti
potest. *l. 1. C. quand. lic. unic. l. 5. C. de Execut.* Qua ratio-
ne enim quis permittet bona sua capere ab ignoto? Nec
juvat illos, quod portant insigne officii sui: Eximit qui-
dem eos illud solitum insigne ex numero privatorum.
l. 15. §. Si quis virgines. D. de injur. non tamen probat po-
testatem apprehendendi bona. Quare infertur, si officia-
lis sine forma, asserat se formam habere, ad capiendum,
cum tamen hoc falsum sit, & ob talem concussionem
aliquid acceperit, quod talis etiam possit criminaliter
puniri ob delictum. Nec capi quis potest personaliter,
nisi de tali captura iudex pronunciaverit, quo casu resi-
stentem etiam offendere potest officialis. An injustè in-
carceratus sine metu pœnæ carcerem frangere & aufu-
gere, custodes vulnerare & occidere possit? An idem
licitum sit cognatis, vicinis, amicis, & extraneis? non in-
congrue hic disputaretur, sed quoniam hæ quæstiones
in

in praxi ab utraque parte multa incommoda post se trahunt, à determinatione earum ad aliquod contradictionis membrum hac vice me retineo.

C O R O L L A R I A.

Ex Jure Militari.

1. Victor occupans bello principis alicujus hostis territorium, obligatus est ad onera, quibus obligabatur victus.
2. Princeps per factum sui Ducis obligatur.
3. Unus ex confederatis absque alterius consensu pacem cum hoste inire, & efficaciter concludere potest.
4. Conventio de pretio redemptionis, vulgò de Rantsoent, facta, propter status eminentiam captivi, quam stipulator ignorabat, rescindi non debet.
5. Iura incorporalia de victorum, e.g. nomina & actiones ad victorem transeunt, ut, credita vel exigere, vel remittere possit, ita ut tota obligatio perimatur.

Ex Jure publico.

1. Capitulatio Imperatoris ejusque juramentum non repugnant ipsius summo imperio, quod Gallicè eleganter exprimitur, per vocem la Souveraineté.
2. Princeps successor contravenire potest factis principis prædecessoris sui.
3. Quod imperium Germanorum adhuc hodie rectè dicatur Romanum in præsentiarum defendam.
4. Non videtur paci ac libertati Germania prospectum contra externos, si in electione Imperatoris recedatur à domo Austriaca.
5. Papam generare posse ac generasse credo, sed eum parere posse, & peperisse, non verisimile videtur.

Alia.

1. Venditor ad rei traditionem præcisè tenetur, nec præstando interesse liberatur,
2. Stipulatio est contractus juris civilis.
3. Stipulatio propriè est contractus.
4. Legitima tolli non potest.

F I N I S.

14